

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

4. Malarum cupiditatum fames.

---

[urn:nbn:de:hbz:466:1-68709](#)

filia impudicā Dial. 23. Lascivire incipit filia : Lautas dapes, & vester illi molles ac fulgidas, annulōsque & armillas detrahe, & quidquid est aliud, quō & ipsa sibi placeat, & placere aliis studeat : objice illi domesticas curas, pensa, acus, & colos, & si quid est operis, quod suaves & molles manus in callum duret : Seduc illam à spectaculis, à concursu populi : festis etiam diebus domi contine ; nullum vagis ac discolis cogitationibus tempus relinque. Prostiuunt parentes filias, dum eas superbire sinunt, crispare capillos, fucare faciem, vagari per alienas domos, cantare, saltare, pudorem venalem circumferre. Verè Siracides, c. 41. *De patre impio* (adde etiam de matre impia) queruntur filii (& filiae) quoniam propter illum in opprobrio sunt. Quippe qui eos in infamiam, & dedecus indulgentiā, consilio, iussione, inopia conjecit.

I V. (d) ----- fuit ardor edendi,

Pérque avidas fauces, immensaque viscera regnat &c.

Non de fame tantum pronuntiari possunt : sed de aliis naturae prodigiis, Avaritia, Ambitione, Libidine, Ebrietate, immodico omni studio, & insatiabili cupiditate, ait in hunc locum Farabius. Mihihuc quadrare videntur quinque viri illi, de quibus S. Bernardus in declamatione super id : *Ecce nos reliquimus omnia*, declaraturus, quām insatiabilis sit fames, Mundum, hoc est, vanas cupiditates amantium. Vidi ego, inquit, aliquando quinque viros, quid n̄ phreneticos arbitrer? Primus liquidem plenis buccis marinam masticabat arenam. Secundus sulphureo astans lacui, exhalantem tēterrimum, fœtidissimumque gestiebat haurire vaporem. Tertius fornaci incubans vehementer accensæ, micantes scintillas excipere fauibus lætabatur. Quartus supra pinnaculum templi residens, levioris auræ spiritum aperto attrahebat ore : & si quō minus influere videretur, flabello ipse sibi ventum ciebat, tanquam aërem deglutitus. Quintus seorsim positus ridebat cæteros, ipse quoque ridendus, & maximè : proprias enim carnes incredibili quodam studio fugere laborabat. Miseratus homines, causāque sciscitatus à singulis : unam omnibus esse reperio, validissimam famem, &c. Non difficile est divinare, quid hoc sibi ænigmate velit S. Pater. Nam quānam est peritura bona esurientium satietas? nulla. Ipsa copia famem parit. Quinam verò maris fabulum dentibus mandunt, nisi avari? qui sulphureum vaporem hauriunt, nisi libidinosi? qui scintillas ex ardenti fornace excipiunt, nisi iracundi? quos juvat in alto collocatos auram attrahere & devorare, nisi superbos & ambitiosos? qui denique

(d) *Malarum cupiditatum fames.*

denique proprias sicut sunt carnes, nisi invidi, gulaque dediti? De his omnibus dici possit

Quid non mortalia cogis

Pectora dira fames, nunquam saturanda cupido!

Ad hypotyposin *Famis* adjungenda est domus & descriptio Invidiae, quam non minus ingeniose & artificiosè depingit Ovidius lib. 2. Metam. in hunc ferè sensum & modum.

(e) Fortè Mercurius animum adjecerat ad *Hersen*, pueram nobilitate generis (nam patrem habebat *Cecropem*, Athenarum Regem) & formæ præstantem, connubio sibi copulandam. Et quia Herse Palladis (in cuius consortio vivebat) æquè castitatem atque studia æmulabatur, abhorrebat à nuptiis. Igitur Mercurius convenit *Aglauron*, Hersæ sororem, & blandis instant precibus, ut pronuba velit esse conjugii. Hæc aurum paciscitur, fidem & operam prouidit. Aversata Pallas avaritiam, constituit ulcisci, & Aglauron diris invidiæ stimulis excruciare; studuerat enim pretium nuptiarum excandescere, & sorori honorem præripere. Rem eò deducit Pallas, rogatu Mercurii, ut Herse conveniret in manum deo. Exinde confert se ad Invidia domum, sive potius antrum, in ima situm valle, & à conspectu remotum; nec solem admittens, nec ventum; perpetuo horrore septum, ubi nihil nisi frigus, & spissa caligo. Ad eam speluncam delata dea, non sustinuit ingredi (neque enim hoc decorum erat Jovis filiæ) sed postes extrema hastæ cuspide pulsavit.

Concussæ patuere fores: videt intus edentem  
Vipereas carnes, vitiorum alimenta suorum  
Invidiam: visaque oculos avertit, at illa  
Surgit humo pigrè, semesarumque relinquit  
Corpora serpentum, passuque incedit inertis.  
Utque deam vidit, formaque, armisque decoram,  
Ingemuit, vultumque deæ ad suspiria duxit.  
Pallor in ore sedet, macies in corpore toto:  
Nusquam recta acies: livent rubigine dentes:  
Pectora felle virent: lingua est suffusa veneno:  
Ritus abest: nisi quem visi fecere dolores.  
Nec fruitur somno, vigilantibus excita curis:  
Sed videt ingratis, intabescitque videndo  
Successus hominum: carpitque & carpitur una  
Suppliciumque suum est.

K k 3

Paucis

(e) *Invidia domus & imago.*